



Nuuk, 9. april 2015

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqquut imaattoq saqqummiuppara:

Naalakkersuisunut apeqquut:

- 1. Royal Greenland-ip nunatsinni ingerlatai kilisaataatai fabrikkiutaalu ilanngullugit ukiumut qanoq annertutigisumik sillimmasiinnermut akiliuteqartarpa?**
- 2. KNI A/S, Pilersuisoq A/S Polaroil A/S-ilu ilanngullugit qanoq annertutigisumik ukiumut sillimmasiinnermut akiliuteqartarpa?**
- 3. Tele Greenland A/S-i nunatsinni ukiumut qanoq annertutigisumik sillimmasiinnermut akiliuteqartarpa?**
- 4. A/S INI nunatsinni ukiumut qanoq annertutigisumik sillimmasiinnermut akiliuteqartarpa?**
- 5. Illuut A/S-i nunatsinni ukiumut qanoq annertutigisumik sillimmasiinnermut akiliuteqartarpa?**
- 6. Air Greenland-i nunatsinnut qanoq annertutigisumik sillimmasiinnermut akiliuteqartarpa?**
- 7. Arctic Umiaq Line A/S-i nunatsinni qanoq annertutigisumik sillimmasiinnermut umiarsuaatiminullu akiliuteqartarpa?**
- 8. Royal Arctic Line A/S-i nunatsinni ingerlataminut umiarsuaatiminullu sillimmasiinnermut qanoq annertutigisumik akiliuteqartarpa?**
- 9. Mittarfeqarfiit nunatsinni ukiumut qanoq annertutigisumik sillimmasiinnermut akiliuteqartarpa?**
- 10. Nukissiorfiit nunatsinni ukiumut qanoq annertutigisumik sillimmasiinnermut akiliuteqartarpa?**
- 11. Namminersorlutik Oqartussat suliffeqarfiutaasa qulaani taakkartorneqartut sillimmasiinnermut akiliuteqaraangamik sillimmasiisarfinnut sorlernut akiliuteqartarpa?**

(Inatsisartunut Ilaasortaq Hans Enoksen, Partii Naleraq)

Tunngavilersuut:

Nunatsinni suliffeqarfiutitta ukiumut qanoq annertutigisumik sillimasiinermut akiliuteqartarnerat sukumiisumik paaserusullugu matumuuna apeqquteqaaterpunga.

Tassami ilimanarluinnarmat suliffeqarfiutitta ukiumut aningaasarpasuit sillimasiinerinnarmut nunatta avataanut akiliutigineqartartut, annerusumik inuiaqatigiit iluanni aningaasanik kaaviiartitsinerannut iluaqutaanngitsumik.

Illumut taama suli ukiorpassuarni ingerlaannassaagut?